

IV. ENTIDADES LOCAIS

CONCELLO DE RIBADAVIA

APROBACIÓN DEFINITIVA DA ORDENANZA DE SUBMINISTRACIÓN DE AUGA POTABLE, REDE DE SUMIDOIROS, SANEAMENTO E DEPURACIÓN DE AUGAS RESIDUAIS.

Anuncio

O Concello de Ribadavia publica - en cumprimento do que dispón o artigo 70.2 da Lei 7/1985, do 2 de abril, reguladora das bases de réxime local- o texto integro da seguinte ordenanza:

- Ordenanza de subministración de auga potable, rede de sumidoiros, saneamento e depuración de augas residuais.

A dita ordenanza foi aprobada inicialmente polo Pleno da Corporación, na sesión do 24 de xuño de 2024, e expúxose ao público mediante anuncio no taboleiro de edictos da Corporación e no Boletín Oficial da Provincia nº 138, do 17 de xullo de 2024. Ao non presentarse alegacións, fica aprobada definitivamente. O texto completo é como segue:

Ordenanza de subministración de auga potable, rede de sumidoiros, saneamento e depuración de augas residuais

Artigo 1. Fundamento e obxecto

Segundo o disposto nos artigos 142 e 31.3 da Constitución así como no artigo 105.2 da Lei 7/1985, reguladora das bases de réxime local, artigos 2 e 20.6 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello de Ribadavia regula a prestación patrimonial de carácter público non tributario polos servizos de subministración de auga potable e servizos de rede de sumidoiros, saneamento e depuración de augas residuais.

Artigo 2. Obxecto da contraprestación.

Constitúe o obxecto da presente prestación patrimonial de carácter público a recepción dos servizos, que a continuación se detallan, prestados polo Concello de Ribadavia, en réxime de xestión indirecta, baixo a modalidade de concesión administrativa de servizo público.

- a) Servizo de subministración ou abastecemento de auga potable.
- b) Servizo de redes de sumidoiros (saneamento).
- c) Servizo de depuración de augas residuais.
- d) A realización ou execución de obras, a competencia das cales estea atribuída (con carácter exclusivo) á entidade concesionaria do servizo.
- e) En xeral, calquera outro servizo que sexa obxecto da presente ordenanza e, sendo competencia da entidade local, teña carácter obrigatorio en virtude da disposición legal ou regulamentaria.

Artigo 3. Obrigados ao pagamento.

1.- É suxeito obrigado ao pagamento a persoa física ou xurídica que utilice ou se beneficie dos servizos prestados. No caso do servizo de saneamento, considérase necesario para a baixa deste,



informe do responsable do Concello, manténdose a cota fixa correspondente aínda causando baixa no servizo de abastecemento.

2.- Serán responsables subsidiarios do pagamento os propietarios dos inmobles nos que se presten os servizos.

Artigo 4. Base de cálculo.

A base de cálculo da prestación determinarase en función dos consumos efectivamente realizados polo usuario e obterase mediante diferenza da lectura dos aforamentos rexistrados –no respectivo contador de medida- durante dous períodos de facturación consecutivos.

Artigo 5. Tarifas.

A) Tarifa I. Cotas fixas de aboamento ou cotas fixas de servizo.

Deberán facer efectivo este concepto de tarifas todos os usuarios que, dispoñendo do correspondente contrato de subministración, ou rede de sumidoiros ou depuración, utilicen as redes de subministración de auga potable e depuración de augas residuais e/ou dispoñan dos servizos de rede de sumidoiros a menos de 50 m do límite da propiedade.

As cotas fixas de servizo correspondentes aos tres servizos mencionados liquidaranse en períodos trimestrais conxuntamente coa facturación dos consumos rexistrados.

Os importes e a súa xustificación por constituír custos fixos dos diferentes servizos son os seguintes:

I.1. Cota fixa de abastecemento.

Uso doméstico: 15,41 €/usuario/ trimestre.

Uso comercial: 23 €/usuario/ trimestre.

Uso industrial: 35 €/usuario/ trimestre.

Corresponde este importe aos custos fixos de operación, mantemento e reposición das captacións, mantemento e reposición da ETAP, depósito de almacenamento, redes de transporte, redes de distribución e acometidas ata a chave de rexistro da acometida situada obrigatoriamente en vía pública diante da propiedade do abonado.

I.2. Cota fixa de rede de sumidoiros.

Uso doméstico: 9,51 €/usuario/trimestre.

Uso comercial: 19,56 €/usuario/trimestre.

Uso industrial: 29,56 €/usuario/trimestre.

Corresponde este importe aos custos fixos derivados de operacións, mantemento e reposición de redes de sumidoiros, colectores e instalacións de bombeo de augas residuais. Este importe substitúe á taxa de recadación regulada pola Ordenanza fiscal núm. 8 da taxa de rede de sumidoiros.

I.3. Cota fixa de depuración.

Uso doméstico: 2,39 €/usuario/trimestre.

Uso comercial: 3,86 €/usuario/ trimestre.

Uso industrial: 13,86 €/usuario/trimestre.





Corresponde este importe aos custos fixos derivados de operación, mantemento e reposición das EDAR.

B) Cota fixa de aboamento/servizo de abastecemento en acometidas contra incendios.

Aboará unha cota fixa de abastecemento de uso doméstico, sinalada no apartado I.1 da tarifa I deste artigo 5, cada edificio que dispoña de acometida para uso contra incendios.

Aboará unha cota fixa de abastecemento de uso non doméstico sinalada no apartado I.1 da tarifa I deste artigo 5 cada local, nave ou instalación que dispoña de acometida para uso contra incendios.

C) Tarifa II. Cota variable do servizo de subministración/abastecemento de auga potable para usos domésticos, comercial e industrial.

Para o cálculo da cota variable ou cota de consumo do servizo de abastecemento seguirase o criterio de progresividade por escalas, aplicándose a tarifa correspondente a cada un dos tramos de consumo e facturando ao/á usuario/a o resultante da suma de todos eles segundo o rexistro efectuado a través de contador entre os períodos de facturación.

M3 trim. ata	Doméstico	Comercial	Industrial
18	0,0967	0,1987	0,1987
45	0,1900	0,5725	0,5725
75	0,4932	0,7141	0,7141
105	0,7141	1,2923	1,2923
150	1,2923	1,5814	1,5814
999999	1,4853	1,7853	1,7853

D) Tarifa III. Cota variable do servizo de rede de sumidoiros.

Para o cálculo da cota variable ou cota de consumo do servizo de rede de sumidoiros seguirase o criterio de progresividade por escalas, aplicándose a tarifa correspondente a cada un dos tramos e facturando ao/á usuario/a o resultante da suma de todos eles.

M3 trim. ata	Doméstico	Comercial	Industrial
18	0,2700	0,4800	0,8773
45	0,4800	0,8773	1,0579
75	0,5483	1,0579	1,2127
105	0,7579	1,3224	1,3224
150	1,0579	1,5159	1,5159
999999	1,2127	1,6200	1,6200



E) Tarifa IV. Cota variable do servizo de depuración das augas residuais.

Para o cálculo da cota variable ou cota de consumo do servizo de depuración de augas residuais seguirase o criterio de progresividade por escalas, aplicándose a tarifa correspondente a cada un dos tramos e facturando ao/á usuario/a o resultante da suma de todos eles.

M3 trim. ata	Doméstico	Comercial	Industrial
18	0,0500	0,0961	0,0961
45	0,0700	0,1202	0,1202
75	0,1000	0,1500	0,1500
105	0,1500	0,2714	0,2714
150	0,2700	0,3321	0,3321
999999	0,3700	0,3749	0,3749

F) Forma de cálculo do consumo.

Como norma xeral a determinación do consumo que realice cada usuario concretarase mediante a diferenza entre a lectura do contador de medida de dous períodos consecutivos de facturación.

G) Conexión obrigatoria ás redes de subministración e saneamento.

1. As vivendas, locais industrias e locais comerciais que se atopen situados a menos de 100 m das redes de subministración de auga e saneamento deberán conectar obrigatoriamente a cada unha delas, previa solicitude á entidade concesionaria do servizo. A dita obrigatoriedade subsistirá, limitándose a un servizo, no suposto de que sexa unha única rede (subministración ou saneamento) a que se atope dentro do límite máximo de 100 m, ao que anteriormente se fixo referencia.

2. Exceptúanse da obrigatoriedade de conectar á rede de subministración de auga potable, segundo as condicións establecidas no parágrafo precedente, a todas as comunidades de augas veciñais legalmente constituídas.

3. As vivendas, locais comerciais e industriais que dispoñan de subministración a través de comunidades de augas veciñais e os titulares de actividades industriais, con sistema de captación debidamente autorizado, deberán instalar no prazo máximo de seis meses, contados a partir do seguinte á entrada en vigor desta ordenanza, un contador de medida que permita a súa lectura e comprobación por parte da entidade concesionaria do servizo.

H) Tarifa VII. Formalización de alta e solicitude de orzamento.

- Por cada formalización de alta (subministración /ou saneamento): 42,07 €

I) tarifa X. Utilización de contadores de medida

1) Adquisición:

Contador de 13 mm: 42,15 €

Contador de 15 mm: 46,55 €



Contador de 20 mm: 56,72 €

Contador de 25 mm: 97,65 €

Contador de 30 mm: 136,54 €

Contador de 40 mm: 211,44 €

Contador de 50 mm: 469,06 €

Contador de 65 mm: 580,68 €

Caixa de rexistro, unidade: 13,80 €

Artigo 6. Nacemento da obriga de pagamento.

Nace a obriga de pagamento, como norma xeral, no momento de solicitar a prestación do servizo ou cando se utilice este.

Artigo 7. Período de facturación.

1. O período de facturación coincidirá co trimestre natural e a el referiranse as cotas dos servizos cuxa prestación orixine unha liquidación de carácter variable (consumo de abastecemento, rede de sumidoiros e depuración).

Artigo 8. Cobro da prestación.

1. A entidade concesionaria do servizo procederá a efectuar a lectura de todos os contadores de medida dos usuarios do servizo no transcurso do período de facturación. Para tal efecto, e agás circunstancias excepcionais, a medición dos aforamentos dos beneficiarios do servizo realizarase de tal forma que permita a comparación de consumos dun período de 90 días.

2. O período voluntario de cobranza estenderase durante o prazo dos seguintes 75 días do trimestre natural seguinte ao de lectura e comprobación de consumos.

Artigo 9. Revisión de actos, infraccións e sancións.

De conformidade co artigo 14.2 do TRLRFL, contra os actos ditados en aplicación da presente ordenanza procederá o recurso de reposición no prazo dun mes contado dende a finalización do período voluntario de cobranza.

Para cualificación das infraccións e das sancións que en cada caso procedan estarase ao previsto na Lei 39/2015, do procedemento administrativo común das administracións públicas, na Lei 40/2015, de réxime xurídico do sector público, e na Lei de bases de réxime local.

Sen prexuízo do exposto no apartado precedente, a entidade concesionaria poderá exercer as facultades establecidas no artigo 80 do Regulamento do servizo municipal de abastecemento de augas e saneamento, seguindo o réxime de sancións recollido no artigo 84 do citado regulamento.

Disposición derogatoria

1. Queda derogada a ordenanza núm. 8 da taxa de rede de sumidoiros, ordenanza núm. 26 da taxa pola prestación dos servizos municipais de vertido de augas residuais de calquera clase e a ordenanza 11 pola subministración de auga.

2. Quedan derogadas cantas disposicións se opoñan, contradigan ou resulten incompatibles co establecido na presente ordenanza.





Disposición final

Esta modificación entrará en vigor o día seguinte ao da publicación no Boletín Oficial da Provincia, permanecendo en vigor en tanto non se acorden a súa modificación ou derogación expresa.

No obstante a presente ordenanza comezará a aplicarse no primeiro trimestre do ano 2025.

Anexo I-A

Cadro de prezos de execución material para a redacción de orzamentos de conexións e prolongacións de abastecemento e saneamento con cargo aos abonados.

Por medio do presente anexo regúlase o prezo medio das acometidas á rede municipal do Servizo de Ribadavia.

Acometidas de abastecemento

Diámetro de acometida ata 5 m e reposición			
	Terra	Asfalto	Baldosa-beirarrúa
3/4"	244,03 €	314,28 €	376,40 €
1"	262,91 €	331,92 €	390,57 €
1 1/2"	316,43 €	386,02 €	444,71 €
2"	376,55 €	444,71 €	504,13 €

Considérase un incremento medio por metro a executar de acometida a maiores dos 5 primeiros para cada diámetro

Incremento por m. (maiores 5 m.)			
	Terra	Asfalto	Baldosa-beirarrúa
3/4"	11,80 €	25,94 €	31,26 €
1"	13,81 €	28,02 €	33,19 €
1 1/2"	19,71 €	33,88 €	39,10 €
2"	33,05 €	47,27 €	52,44 €

Acometidas de saneamento

Diámetro de acometida ata 5 m e reposición			
	Terra	Asfalto	Baldosa-beirarrúa
160 mm	351,27 €	439,09 €	453,28 €
200 mm	386,54 €	483,18 €	501,04 €
250 mm	425,06 €	531,33 €	547,11 €





Considérase un incremento medio por metro a executar de acometida a maiores dos 5 primeiros para cada diámetro

Incremento por m. (maiores 5 m.)			
	Terra	Asfalto	Baldosa-beirarrúa
160 mm	11,80 €	25,94 €	31,26 €
200 mm	13,81 €	28,02 €	33,19 €
250 mm	19,71 €	33,88 €	39,10 €

Ribadavia, 18 de outubro de 2024. O alcalde.

Asdo.: César Manuel Fernández Gil.

R. 3.041

